

vir obediens loquitur victorias **Prover. xxi.** In cuius rei figura
 quancumque filii israel de mandato domini pugnaverunt pauci de mul-
 tis victoriam habuerunt **Num. xxxi.** Propter hanc causam exemplo
 obediencie in saluatore nostro proponit apostolus nobis dicens. **Fa-**
ctus est obediens usque ad mortem. Et ponit fructum obediencie sub-
 sequenter dicens. **propter quod et deus exaltauit illum et dedit illi no-**
men quod est super omne nomen. **ad Philip. ij.** **O**bedire nolentes
 sed inobedientes grauiter puniuntur. nam prima precepti trans-
 gressio in primis parentibus grauiter punita est maledictionibus.
Gen. ij. Filii israel cum contra mandatum domini euntes ad bellum fue-
 runt violenter debellati **Num. xliij.** Quia mandatum ioseph trans-
 gressus est acior ipse fuit a populo lapidatus. et ioseph et ille
 populus ex illa inobediencia fuerat in bello superatus **Iosue. vij.**
Saul quia contra preceptum samuelis sacrificium obtulit et agag
 regi et pinguis contra preceptum domini parcere voluit. ideo fuit
 a domino reprobatus. **p. Re. xv. et xvi.** Dixit dominus salomoni quod
 si non custodierit mandata dei deleat de supercie terre thronum
 eius. **ij. palip. ultimo.** Vir dei contra preceptum domini cum propheta
 manducans a leone extitit interfectus. **ij. Re. xliij.** Similiter per-
 cussus est a leone ille qui de mandato parere noluit unum de fi-
 liis prophetarum. ubi ostenditur quod obediencia datur interdum in
 hijs que vident sine ratione mandati. **ij. Re. xx.** Jonas qui refu-
 giebat domino obedire precipiente ut in ninive predicaret verbum dei
 in mari fuit domino disponente submersus **Lu. p. et ij. captul.**

De opacoe qua deus intendit.

Operante respicit deus si sit
 Perfectus in opacoe.
 Rectus in intencione.
 Electus in execucoe.

Operante ostendit deus primo si sit perfectus in opacoe
 bonus et deo gratus. nam si personam non acceptat ser-
 uicium non acceptat. licet enim in politicis homo faciendo iustus
 ostenditur iustus. in gratuitis tamen non quod facit iusta est iustus
 sed iusta facit quod est iustus. **secundum Crisostomum.** Non quia oculus
 acute videt est. sed acute videt que a se longe sunt est acutus.
 pius enim respicit deus operante si est bonus antequam acceptat vel
 recipiat deus eius opus. **Cayn** namque malus et abel bonus munus
 tra obtulerunt. sed deus respexit ad abel et munera eius. **ad cayn**

autem et ad munera eius non respexit. **Genes. iij.** Mirabilia fecerunt in egipto moyses et aaron. similiter et maleficia pharaonis sed priorum non vltimorum mirabilia domino placere. **Exodi vij.** Bethsamite viderunt archam et sacrificium domino obtulerunt et tamen percussit eos dominus gravi plaga quia propter peccata eorum videre archam domini non debuerunt. **p. Regum. vi.** Reprobatur dominus sacrificium quod iusserat fieri et hoc propter offerentium prauitatem. **Maie. prio.** Operantem acceptat deus ex intentione quam habet in operando magis quam ex opere. cum enim opus inordinabile perverti posset ex prava intentione ut dare elemosinam. ieiunare et orare propter fauorem vel questum. **Malum etiam ex genere bene fieri posset ex bona intentione ut hominem iustitia exigente occidere. oportet operantem et opus esse ordinatum recta intentione. nam secundum ambro.** Intentio tua operi tuo finem imponit. **nam permissio a deo filio abrahe nascituro de sara risit abraham et risit sara sed risus abrahe non fuit a domino reprehensus sed risus sara quia risit ex diffidentia permissiois. Gen. xvij.** Talia turbula et forte nobilitas habuit chore et complices eius quia habuit aaron et tamen propter bonam intentionem aaron habuit deus gratia sua opera. illorum vero opera propter intentionem pessimam reprobauit. **Rui. xvi.** Pretulit dominus duo minuta vidue pro muneribus diuitum quia puriori intentione donabat. **Luce. xxi.** Desiderabat zachaeus videre Iesum pura intentione caritatis ideo fuit a domino consolatus. **Luce. xix.** Desiderabat etiam Iherodes videre Iesum et eo viso gauisus est sed mala intentione curiositatis. ideo de eius visione fructum quem volebat nullatenus reportauit. **Luce. xxij.** Operantem attendit deus si opus quod facit ex officio sibi incumbit alioquin si sibi usurpat quod suum non est non placet deo sed displicet nec acceptat sed reprobatur tale opus. **Nam saul expoliavit se et fuit inter prophetas et prophetare cepit sed parum ei profuit quia non fuit sui officii prophetare. p. R. xix.** Oza extendit manum et tetigit archam ne caderet de plastro sed fuit percussus a domino quia tangere archam solum fuit officium leuitarum vel sacerdotum. **ii. R. vi.** Licet offerre sacrificium sit bonum tamen non nisi sacerdotibus conuenit. ideo oza percussus est lepra quia more presbiteri incensum voluit adolere. **ii. palipo. xxvi.**